

欽定續通志

欽定續通志卷六百六

貳臣傳一

臣等謹按春秋以正名分而其功在於懼亂賊史之爲義所以植綱常示懲勸蓋基重也我皇上標人倫之規矩嚴大義之防維特命館臣於國史勅立貳臣傳間考列代草昧之初恢天綱鼓羣動以安反側而備驅使自不得不借才前代於是諸史撰述列傳之首人半前官事多勝國未有能奮筆削而彰鉅鉞者信乎萬世一時敦人紀樹臣鵠必俟夫聖人而爲天子也臣等奉敕纂續通志謹循仿義例稽撫事實進退

予奪上稟

睿裁合七史爲貳臣傳蓋自唐迄明之初身都兩府而不能扶危定傾願鼎已移台鉉再辱則有

若李琪鄭珏劉昫盧文紀姚顗和凝范質王溥魏仁浦李濤吳延祚弁髦衰朝攀附國賊手持璽綬賣國予人則有若張文蔚楊涉張策趙光逢薛貽矩蘇循君亡別立國破不知城下係累卒自貽禍則有若左企弓盧仲文曹勇義康公弼宗室帝甥后弟主壻誼連肺腑稟親節讎則有若楊恭仁師道李鐸耶律懷義袁象先蕭仲恭仲宣張永德蕭瑀李洪信洪義趙延壽手握重兵軍降國滅且效奇計盡死力以傾覆故朝至以不親反噬憤惋身殉則有若段疑康延孝張柔劉整佞倖害政亂賊同產漏網新朝反階佐命則有若封倫宇文士及往來兩朝再三委贖國同傳舍君如奕棊則有若趙贊張中孚中彥始亦奮激敗猶偏疆卒不能固一失莫贖則有若屈突通汪世顯文人自命素談忠孝禪詔見薄國史託詞則有若陶穀危素又其甚者七朝宰執八姓奴僕固憎大倫且不知廉恥是人間何等事則有若侯益馮道若此者人各異世材固殊等小善亦錄大閑已踰彙爲三卷以明聖朝制作爲萬世立人極匪特班范以來所未有卽鄭氏斷斷黜陟前史其義例亦無能窺見萬一云

唐

封倫 屈突道 蕭瑀 楊恭仁 師道 字文士及

封倫字德彝以字顯觀州褚人祖隆之

本傳作隆今從北齊書

北齊太子太保父子繡隋通州刺史倫少時舅盧思道曰是

兒當自致卿相開皇末從楊素討江南之亂爲行軍記室素以從妹妻之素營仁壽宮表爲土工監宮成文帝見

其制度奢侈怒甚素大懼倫曰毋恐皇后至自當免明日帝果召素勞之素退問何以知倫曰上節儉故始見必

怒然雅聽后言后婦人惟侈麗是好后悅則帝安矣素以是益奇其才每與論天下事撫其牀曰封郎終當據此

薦擢內史舍人大業中虞世基有寵然不悉吏事倫陰爲裁書詔承主意百官章奏忤旨則寢不聞峻文法抑功

賞由是世基寵日隆而隋政大壞字文化及亂持帝出宮使倫數帝罪帝曰卿士人何至是倫羞縮去化及署爲

內史令從至聊城知化及必敗乃結士及請於濟北運糧化及死遂與士及來降高祖責其諂巧不忠罷就舍

帝以其前代舊臣遣使迎勞通鑑諸書皆不載按德彝本與士及偕來士及素結託高祖倫以祕策干帝帝悅更

寵其妹又爲昭儀在黎陽時會手詔召之則來時自當有遣使迎勞事然非爲德彝也倫以祕策干帝帝悅更

拜內史舍人遷侍郎三年改官名以爲中書令按新書遷侍郎下書兼內史令考通鑑改內史令爲中書秦王討

王世充命倫參謀軍事時兵久不決帝欲班師王遣倫入見曰世充地雖多皆羈縻其用命者惟洛陽爾計窮力

屈破在旦暮今解而西則賊勢復振後必難圖帝納之賊平帝謂侍臣曰始議東討多沮者唯秦王謂必克倫贊

其行雖張華叶策晉武亦何以加封平原縣公判天策府司馬頃之突厥寇大原且遣使和親帝問羣臣咸請許

之可紆戰倫曰彼有輕中國心謂我不能戰若乘其怠擊之勢必勝勝而後和威德兩全今雖不戰後必復來臣

以爲擊之便詔可尋檢校工部尚書進封趙國公徙封密太宗立拜尚書右僕射始倫之歸蕭瑀數薦之及是瑀

爲左僕射每議事既定倫至帝前輒變易由是有隙貞觀元年薨疾臥尙書省帝親臨視命尙輦送還第卒贈司空諡曰明倫資險佞內狹數刺人主意陰導而陽合之外謹順居處衣服陋素而交官府賄贈狼藉又善矯飾居之自如人莫能探其肺腑隱刺之亂數進忠款太宗以爲誠橫賜累萬又密言於高祖曰秦王恃功頽太子若不蚤立則亟圖之且謂太子曰爲四海不顧親分羹者謂何及高祖議廢立倫固諫止常時語祕無知者卒後事寔聞十七年治書侍御史唐臨追劾之帝下其議唐儉等請還贈改諡詔奪司空削食封改諡繆子言道尙淮南長公主官至宋州刺史

屈突通京兆長安人仕隋爲虎賁郎將文帝命覆隴西羣牧簿得隱馬二萬匹帝怒收太僕卿慕容悉達監牧官吏千五百人將悉誅死通曰陛下以至仁育四海豈容以畜產一日而戮千五百士帝叱之通頓首曰臣願身就戮以延衆死帝寤免悉達等擢左武衛將軍有犯法者雖親無所回縱弟蓋爲長安令亦以方嚴顯時爲語曰鹽食三斗艾不見屈突蓋寧食三斗蔥不逢屈突通煬帝卽位遣持詔召漢王諒先是文帝與諒約若璽書召驗視敕字加點又與玉麟符合則就道及是書無驗諒覺變詰通通占對無屈竟得歸長安大業中與宇文述共破楊元感以功遷左驍衛大將軍秦隴盜起授關內討捕大使安定人劉迦論反衆十餘萬據雕陰通發關中兵擊之次安定不戰軍中意其怯通陽言旋師而潛入上郡賊未之覺引而南去通七十里舍分兵徇地通候其無備夜簡精甲襲破之斬迦論帝南幸使鎮長安高祖起代王遣通守河東戰久不下高祖留兵圍之遂濟河破其將桑顯和於飲馬泉通大懼乃留鷹揚郎將堯君素守蒲將自武關趨藍田以援長安至潼關阻劉文靜兵不得進相持月餘通令顯和夜襲文靜詰朝大戰顯和縱兵破二壁唯文靜一壁獨完然數入壁短兵接文靜中流矢軍垂

敗顯和以士疲傳餐文靜因得分兵實二壁會游軍數百騎自南山還擊其背三壁兵大呼奮而出顯和遂潰盡得其衆通勢感或說之降曰吾蒙國厚恩安可逃難每自摩其頸曰要當爲國家受人一刀訓勉士卒必流涕高祖遣其家僮往召通趣斬之俄聞京師不守乃留顯和保潼關率兵將如洛旣行而顯和來降文靜遺寶璫段志玄精騎追及於稠桑通結陣拒之璫縱其子壽往諭使降通大呼曰昔與汝父子今則讎也命左右射之顯和呼其衆曰京師陷諸君皆家關西何爲復東衆皆捨兵通知不免下馬東南向再拜號哭曰臣力屈兵敗不負陛下遂被擒送長安帝勞曰何相見晚邪泣曰通不能盡臣節故至此爲本朝羞帝曰忠臣也釋之授兵部尙書蔣國公爲秦王行軍元帥長史從平薛仁果時賊珍用山積諸將爭得之通獨無所取帝聞特資金銀六百兩綵千段判陝東道行臺左僕射從討王世充時通二子在洛帝曰今以東略屬公如二子何通曰臣蒙陛下更生誓以死許國今得備先驅二兒何足顧乎帝太息曰烈士徇節吾今見之及竇建德來援秦王分麾下半以屬通俾與齊王圍洛世充平論功第一拜陝東道大行臺右僕射鎮東都數歲召爲刑部尙書自以不習文固辭改工部建成之變復檢校行臺僕射馳鎮洛貞觀初行臺廢爲洛州都督進左光祿大夫卒贈尙書左僕射諡曰忠後詔配饗太宗廟庭永徽中贈司空二子壽詮壽襲爵太宗幸洛思通忠節故詮以少子拜果毅都尉賜粟帛卹其家終瀛州刺史詮子仲翔神龍中復守瀛州初桂州都督李弘節亦以清慎顯旣歿其家賣珠太宗疑弘節實貪欲追坐舉者魏徵曰今號清白死不變者屈突通張道源通二子來調共一馬道源子不能自存審其清者不加卹疑其濁者罪所舉亦好善不篤矣帝曰朕末之思置不問

蕭瑀字時文後梁明帝子封新安王國除以女兄爲隋晉王妃乃入長安好學善屬文晉王爲太子授右千牛及

卽位妃爲后瑀寢親寵遷尙文奉御檢校左翊衛鷹揚郎將感未疾不呼醫曰是可爲滯階矣后責之曰爾亡國後不安小官而高爲怪語罪不測乃復治疾良已拜內史侍郎突厥圍帝鴈門瑀進謀曰蕃俗可賀敦與知兵事宜遣使諭義成公主可不戰而解又衆恐陛下平突厥復事遼東故怠不肯戰願下詔赦高麗專討突厥則人自奮矣帝從之果圍解帝素意伐高麗銜瑀獄其機謂羣臣曰突厥何能爲蕭瑀乃給恐我遂出爲河池郡守部有鈔賊萬人募勇敢士擊降之又擊走薛舉衆數萬高祖入京師招之挈郡自歸拜民部尙書封宋國公太宗以右元師攻洛陽署瑀府司馬武德元年遷內史令帝委以樞筦內外百務悉關決或引升御榻呼曰蕭郎瑀亦孜孜無所憚上便宜數十事每見納用手詔賜黃金一函秦王爲雍州牧以瑀爲州都督嘗有敕下中書未卽行帝責其稽瑀曰隋季內史詔敕多違舛百司不知所承今朝廷初基安危繫號令比承一敕必覆審使前後不謬始得下是以稽留帝曰若爾朕何憂乎初瑀關內田宅悉賜勳家至是給還之瑀盡分宗族獨留廟室奉祠王世充平進尙書右僕射太宗卽位遷左僕射時封德彝爲右僕射與瑀有隙而房玄齡杜如晦新用事又疏瑀親德彝瑀心不平遂上封事論之辭旨疏躁帝怒因與陳叔達忿爭帝前坐不敬免俄拜特進太子少師復爲左僕射數月又免

按唐太宗本紀及通鑑太宗卽位與陳叔達忿爭坐不敬皆罷在武德九年十月至貞觀元歲餘起爲

年六月始以太子少師復爲左僕射新唐書本傳載忿爭事在復爲左僕射後前後倒置今移收

晉州都督入拜太常卿遷御史大夫參預朝政瑀論議明辯然不能容人短意或偏駁不通房玄齡魏徵溫彥博頗裁正之其言多黜瑀益不平會玄齡等小過瑀卽痛劾不報由是自失罷爲太子少傅不復與政六年授特進行太常卿出爲河南道巡省大使九年復參預政事帝嘗曰武德之季太上皇有廢立議顧朕挾不賞之功弗容於昆弟瑀於爾時不可以利怵死脇眞社稷臣也又謂瑀曰公守道耿介古無以過然善惡太明或有時而失瑀

頓首謝魏徵進曰臣有逆衆持法主恕之以公孤特守節主恕之以介使瑀不過陛下庸能自保邪晉王爲皇太子拜太子太保同中書門下三品因定太子見三師儀瑀素狹中與同僚多不合嘗言玄齡輩朋黨盜權若膠固然特未反耳帝曰知臣莫若君朕雖不明寧頓懣臧否因爲瑀曉解瑀以帝有偏信帝積久亦不平瑀好浮屠法嘗請捨家爲桑門帝許之復奏自度不能爲又足疾不入謁帝曰瑀豈不得其所邪乃詔奪爵貶商州刺史未幾復其封加特進卒贈司空荊州都督陪葬昭陵太常諡曰肅帝以其性忌改諡貞褊子銳尙襄城公主爲太常少卿

楊恭仁本名綸隋觀王雄子仁壽中爲甘州刺史大業初轉吏部侍郎楊元感叛詔率兵經略敗之破陵遂與屈突通追獲賊煬帝召見嘉其勇決時蘇威宇文述裴蘊裴矩參掌選事皆受賕不法惡恭仁廉正出爲河南道大使捕賊至譙郡爲朱粲所敗奔江都字文化及弒逆署吏部尙書爲化及守魏縣元寶藏執送京師高祖素知之授黃門侍郎封觀國公尋爲涼州總管恭仁素習邊事盡心綏慰蔥嶺以東皆奉貢贊就加納言突厥頡利可汗率衆數萬奄至州境恭仁隨方備禦以疑兵懼之頡利遂走瓜州刺史賀拔行威叛舊書作賀拔威朝廷未討恭仁募驍勇僧道出其不意克二城悉縱其俘衆感悅遂相與縛行威降武德六年召拜吏部尙書兼中書令遷左衛大將軍太宗卽位拜雍州牧揚州大都督府長史遷洛州都督恭仁性沖厚以禮自閑衛未嘗與物忤時人方漢石慶後以老病乞骸骨詔以特進歸第卒贈潭州都督陪葬昭陵諡曰孝子思訓襲爵顯慶中歷右屯衛將軍從高宗幸并州右衛大將軍慕容寶節夜邀思訓與謀亂思訓不敢對寶節懼毒酒以進思訓死妻訴之乃誅寶節詔以寘毒人者重其法思訓孫睿交尙長寧公主豫誅張易之神龍中爲祕書監貶絳州別駕

師道字景猷恭仁弟隋末自洛陽歸高祖授上儀同尚桂陽公主除吏部侍郎改太常卿封安德郡公貞觀十年拜侍中參預朝政性周謹未嘗語禁省事嘗曰吾讀孔光傳想其餘風或庶幾焉十三年遷中書令太子承乾得罪詔與長孫無忌尋治其獄師道因妻前夫子趙節與謀乃微風帝欲活之帝怒罷爲吏部尚書師道起責責深抑勢貴親黨以遠嫌而四海人物非所練悉署用多非其才時論譏之從征高麗攝中書令頗不稱職改工部尚書復爲太常卿卒贈吏部尚書并州都督陪葬昭陵諡曰懿子豫之尚巢刺王女壽春縣主居母喪與永嘉公主亂爲主壻竇奉節所殺

宇文士及字仁人京兆長安人述子化及弟也開皇末以述勳封新城縣公文帝奇之詔尚煬帝女南陽公主大

業中爲尚輦奉御從幸江都以父喪免起爲鴻臚少卿化及謀弒逆以主壻忌之弗告按通鑑考異引蒲山公傳言司馬德戡弒煬帝之謀

出於士及又引革命記言帝醞毒酒將殺百官南陽公主恐其夫死陰告之始謀害帝是煬帝之弒士及其禍始也然隋書帝紀及諸人傳中並言謀出智及士及傳又載智及遣莊桃樹就第殺士及之事南陽公主傳又有謀

逆之日察君不預知之語則二書固未可盡信今並從本傳而二書所云則從通鑑分注之已弒帝署爲內史令僭位封爲蜀王初士及爲奉御高祖任殿中

少監雅自款結及從化及至黎陽帝手書召之士及亦遣家僮間道走長安通殷勤且獻金銀帝悅曰是將來矣

化及兵日盛士及勸歸命不從乃與封倫詭求督饗濟北俄而化及敗遂與倫等來降帝陽責之士及謝備陳往

款時士及女弟爲昭儀有寵乃赦之日見親禮授上儀同從秦王平宋金剛錄功復隋舊封妻以壽光縣主遷秦

王府驃騎將軍從討王世充等進郢國公遷中書侍郎太宗卽位拜中書令尋以本官檢校涼州都督時突厥數

入寇士及欲立威以鎮邊鄙每出入盛陳兵衛又喜折節下士或告其反訊無狀召爲殿中監以疾改蒲州刺史

政尚寬簡人皆宜之爲右衛大將軍帝與語或至夜分遇休沐輒馳召然士及益自謹帝嘗玩禁中樹曰此嘉木

也士及從旁美歎帝正色曰魏徵常勸我遠佞人不識佞人爲誰乃今信然謝曰南衙羣臣面折廷爭陛下不得舉手今臣幸在左右不少將順雖貴爲天子亦何聊帝意解又嘗割肉以餅拭手帝屢目陽若不省徐啗之其機悟率類此別封一子新城縣公久之復爲殿中監卒贈左衛大將軍涼州都督陪葬昭陵士及撫幼弟孤兄子以友睦稱好周卹親故然過自奉養服食必極豐侈有司諡曰恭黃門侍郎劉洎曰士及居家侈肆不可謂恭乃改曰縱

欽定續通志卷六百七

貳臣傳二

五代

張文蔚 楊涉 張策 趙光逢 薛貽矩 蘇循杜曉 段凝 康延孝 馮道 李琪 鄭珏 袁象先

劉昫 盧文紀 姚顗 李鏐 和凝

張文蔚字石華河間人唐乾符中舉進士及第昭宗時爲翰林學士承旨時天子微弱制度已隳文蔚制詔四方獨守大體昭宗遷洛拜中書侍郎同中書門下平章事柳璨殺裴樞等蔓引朝士輒加誅殺縉紳皆不自保文蔚力講解之多賴以全活太祖受禪文蔚爲冊禮使及卽位仍以爲相梁初制度皆文蔚所裁定文蔚居家亦孝悌開平二年卒贈右僕射

楊涉祖收唐懿宗時宰相父嚴官至兵部侍郎涉舉進士昭宗時爲吏部尙書哀帝卽位拜中書侍郎同中書門下平章事涉唐名家世守禮法而性特謹厚不幸遭末世拜相日與家人相對泣下謂其子凝式曰吾不能脫此網羅禍將至矣必累爾等太祖受禪爲押傳國寶使拜門下侍郎同中書門下平章事在位三年無所施爲罷爲左僕射卒子凝式有文詞書札凡事梁晉漢周常以心疾致仕按通鑑凝式謂父曰大人爲唐宰相國家至

泰千載何涉大職爲不盡者數日五代史補謂凝式恐事泄卽日伴狂時謂之風子而考異又載周世宗實錄凝式事梁未嘗有疾同光初始以心疾罷天福初致仕在洛然則凝式之疾陶岳以爲梁興之初實錄以爲梁亡之後時事既殊乃心迴異考凝式既因後唐復興懼而託疾則石居洛陽官至太子太保晉革命之後更何所嫌善善從長故通鑑獨取更補之說

張策字少逸河西燉煌人父同爲唐容管經略使策少聰悟好學居洛陽敦化里浚井得古鼎銘曰魏黃初元年

春二月匠吉干同以爲奇策時年十三啟曰漢建安二十五年曹公薨改元延康是歲十月文帝受禪又改黃初是黃初元年無二月也銘何謬邪同大驚異之策少好浮屠之說落髮爲僧居長安慈恩寺黃巢犯闕乃返初服奉父母避亂召拜廣文館博士邠州王行瑜辟觀察支使梁太祖兼四鎮辟鄆滑支使以母喪解職服除入唐爲膳部員外郎天復中爲韓建華州判官許州掌書記建遣策聘於太祖太祖喜曰張夫子至矣遂留以爲掌書記薦於朝累拜中書舍人翰林學士太祖受禪爲押傳國寶副使拜刑部侍郎同中書門下平章事遷中書侍郎以風恙罷爲刑部尙書致仕卒

趙光逢字延吉父隱唐左僕射光逢以文行知名時人稱其方直溫潤謂之玉界尺昭宗時爲翰林學士承旨御史中丞以世亂棄官居洛陽柳璨爲相與光逢有舊恩起爲吏部侍郎太常卿太祖受禪爲押金寶副使拜中書侍郎同中書門下平章事遷左僕射以太子太保致仕末帝卽位起司空同中書門下平章事以司徒致仕唐天成中卽其家拜太保封齊國公卒贈太傅

薛貽矩字熙用河東聞喜人唐乾符中舉進士第歷兵部侍郎翰林學士承旨昭宗自岐還長安大誅宦者貽矩坐爲中尉韓全誨等作畫像贊左遷乃自結於梁太祖太祖言於朝拜吏部尙書遷御史大夫天祐三年太祖自長蘆還軍哀帝遣貽矩來勞貽矩以臣禮見太祖揖之升階貽矩曰殿下功德及人三靈改卜皇帝方行舜禹之事臣安敢違乃稱臣拜舞還遂趣哀帝遜位爲押金寶使太祖卽位拜中書侍郎同中書門下平章事累拜司空爲相五年卒贈侍中

蘇循不知何許人爲人巧佞阿諛寡廉恥事唐爲禮部尙書時梁太祖已弒昭宗立哀帝唐舊臣多憤惋切齒循

特傳會梁以希進用梁太祖急於禪代欲邀九錫羣臣莫敢當其議獨循倡言梁王功德天命所歸宜卽受禪明年太祖卽位循爲冊禮副使循有子楷乾寧中舉進士及第昭宗遣學士陸展覆落之楷常慙恨及昭宗遇弑唐政出於梁楷爲起居郎與柳璨張廷範等相結因曰夫諡者所以易名而貴信也前有司諡先帝曰昭名實不稱乃上疏駁諡改諡昭宗皇帝曰恭靈莊閔皇帝廟號襄宗梁太祖已卽位置酒玄德殿顧羣臣自陳德薄不足當天命皆諸公推戴之力唐舊臣楊涉張文蔚等皆慙懼俯伏不能對獨循與張禕薛貽矩盛稱梁王功德所以順天應人者循父子自以附會梁得所託旦夕引首進用敬翔尤惡之謂太祖曰梁室新造宜得端士以厚風俗循父子皆無行不可立於新朝於是父子皆勒歸田里依朱友謙於河中友謙叛梁降晉晉王將卽位求唐故臣以備百官友謙遣循至魏州時梁未滅晉諸將相多不欲晉王卽帝位晉王意雖銳大臣未有贊成其議者循始至望聽事卽拜謂之拜殿入謁舞蹈呼萬歲稱臣晉王大悅因以循爲節度副使已而病卒卽位贈左僕射楷同光中爲尙書員外郎明宗卽位大臣欲理其駁諡之罪以憂死當唐之亡也又有杜曉者字明遠祖審權父讓能皆爲唐相王行瑜李茂貞犯京師昭宗殺讓能以自解曉以父死無罪自廢十餘年屢辟不起或謂之曰吾子忍令杜氏歲時鋪席祭其先人同匹庶乎曉乃爲之起厯膳部郎中翰林學士太祖卽位累拜中書侍郎同中書門下平章事友珪立遷禮部尙書集賢殿大學士袁象先等討賊曉爲亂兵所殺贈右僕射

修五代史舊立唐六臣傳于五代中獨曰唐見六人者之心無唐也亦史家特筆也

按張文蔚楊涉張策趙光達薛貽矩蘇循六人歐陽

段凝開封人初名明遠後更名唐末爲澠池主簿棄官事梁太祖爲軍巡使性儉巧善窺迎人意又以其妹內太祖故親信之常使監諸軍爲懷州刺史太祖北征過懷州凝獻饋甚豐太祖大悅遷鄭州刺史使監兵河上李振

亟請罷之太祖曰凝未有罪振曰待其有罪則社稷亡矣終不罷

按通鑑考異晉人取魏博然後與梁以河為境故常以大兵守之歐史以為太祖時事非也就

使當時曾屯軍河上亦未繫社稷之安危況太祖時振言德計從均王時始疏斥此必均王時事云云但史既無年月確據通鑑亦止於凝代王彥章為招討使時附見之今仍從歐史原文莊宗已下魏博與

梁相拒河上梁以王彥章為招討使凝為副時趙巖張漢傑等用事凝依附為姦彥章用奇計破唐德勝南城巖等匿彥章狀悉歸功於凝凝因納金求代彥章末帝惑巖等言遂以凝為招討使軍于王村是時唐已下鄆州凝乃自酸棗決河東注鄆以隔絕唐軍號護駕水莊宗自鄆趨汴汴兵悉屬凝京師無備乃遣張漢倫馳召凝于河上漢倫墜馬不能進已而梁亡凝率精兵五萬降唐莊宗賜以錦袍御馬明日凝奏故梁姦人趙巖張漢傑等十餘人侮弄權柄殘害生靈請皆族之凝出入唐朝無媿色見唐將相若倡優因伶人景進納賂劉皇后以求恩寵莊宗甚親愛之賜姓名曰李紹欽以為泰寧軍節度使居月餘用庫錢數十萬有司請責其償莊宗釋之郭崇韜固請莊宗終釋之莊宗遣李紹宏監諸將備契丹凝軍瓦橋關諂事紹宏數薦凝可大用遷武勝軍節度使趙在禮反紹宏請以凝招討莊宗使條奏方略凝所請徧徧皆其故黨莊宗疑之乃止明宗即位勒歸田里明年流遼州賜死

康延孝代北人為太原軍卒有罪亡命于梁末帝遣段凝軍河上以延孝為左右先鋒指揮使延孝見末帝任用羣小知其必亡乃以百騎奔唐拜博州刺史南面招討指揮使莊宗問延孝梁事延孝具言末帝懦弱趙巖張漢傑用事段凝姦邪以入金多為大將王彥章驍將也遣漢傑監其軍而制之小人進任而忠臣勇士皆見疏斥此必亡之勢也莊宗又問梁計如何曰臣在梁時竊聞議以仲冬大舉遣董璋以陝虢澤潞之衆出石會以攻太原霍彥威以關西汝洛之兵掠邢洛以趨鎮定王彥章以京師禁衛擊鄆州段凝以河上之軍當陛下莊宗初聞延

孝言梁必亡喜及聞其大舉也懼曰其將何以禦之延孝曰梁兵雖眾分則無餘臣請待其既分以鐵騎五千自鄆趨汴出不意掃其空虛不旬日天下定矣莊宗甚壯其言卒用延孝策自鄆入汴凡八日而滅梁以功拜鄭州防禦使賜姓名曰李紹琛二年遷保義軍節度使三年征蜀以延孝爲先鋒排陣斬使破鳳州取固鎮降興州與王衍戰三泉衍敗走斷吉柏江浮橋造舟以渡進取綿州衍復斷綿江浮橋延孝與招撫使李巖乘馬浮江軍士隨之濟者千餘人遂入鹿頭關下漢州居三日後軍始至衍弟宗弼以蜀降延孝屯漢州以俟魏王繼岌蜀平延孝功爲多左廂馬步軍都指揮使董璋位在延孝下然特見重於郭崇韜崇韜有軍事獨召璋與計議而不問延孝延孝大怒責璋曰吾有平蜀之功公等僕隸相從反俛首郭公之門吾爲都將獨不能以軍法斬公邪璋訴於崇韜崇韜解璋軍職表爲東川節度使延孝愈怒見崇韜言其不可崇韜曰紹琛反邪敢違吾節度延孝懼而退明年崇韜死繼岌班師命延孝以萬二千人殿至武連聞朱友謙無罪見殺友謙有子令德在遂州莊宗詔繼岌卽誅之繼岌不遣延孝而遣董璋延孝已自疑及璋過延孝軍又不謁延孝大怒謂其下曰南平梁西取蜀其謀盡出郭公而汧馬之勞攻城破敵者我也今郭公已死我豈得存友謙與我俱背梁以歸唐者禍次及我矣延孝部下皆友謙舊將知友謙被族皆號泣訴於軍門延孝遂擁其衆自劍州反入蜀自稱西川節度三州制置等使馳檄蜀人數日間衆至五萬繼岌遣任圜以七千騎追之及于漢州會孟知祥夾攻之延孝戰敗被擒檻至鳳翔莊宗遣宦者殺之

馮清字可道瀛州景城人事劉守光爲參軍守光敗去事宦者張承業承業監河東軍以爲巡官以文學薦之晉王爲河東節度掌書記莊宗卽位拜戶部侍郎充翰林學士爲人能刻苦儉約居軍中爲一茅庵不設牀席與僕

厥同器飲食諸將有掠得美女以遺道者道寘之別室訪其主還之父喪解學士服除復召爲翰林學士行至汴州遇趙在禮作亂明宗自魏擁兵還孔循勸道少留待道曰吾奉詔赴闕豈可自留乃疾趨京師莊宗遇弑明宗卽位問安重誨曰先帝時馮道何在重誨曰爲學士明宗曰吾素知之此真吾宰相也拜端明殿學士遷兵部侍郎尋拜中書侍郎同中書門下平章事天成長興間歲屢豐熟中國無事道嘗戒明宗曰臣爲河東掌書記時奉使中山過井陘之險懼馬感失不敢怠於銜轡及至平地謂無足慮遽跌而傷凡蹈危者慮深而獲全居安者患生於所忽此人情之常也明宗問曰天下雖豐百姓濟否道曰穀貴饑農穀賤傷農因誦文士韋夷中田家詩明宗顧左右錄之常以自誦時水運軍將於臨河縣得一玉杯有文曰傳國寶萬歲杯明宗愛之以示道道曰此前世有形之寶爾王者固有無形之寶也明宗問之道曰仁義者帝王之寶也故曰大寶曰位何以守位曰仁明宗不曉其言道已去召侍臣講說其義嘉納之明宗崩相愍帝潞王反於鳳翔愍帝出奔衛州道率百官迎潞王以入是爲廢帝遂相之後三日愍帝始遇弑已而廢帝出奔爲同州節度使踰年拜司空晉滅唐道又事晉拜守司空同中書門下平章事加司徒兼侍中封魯國公高祖崩相出帝加太尉封燕國公罷爲匡國軍節度使徙鎮威勝契丹滅晉道又事契丹朝耶律德光於京師德光責道事晉無狀道不能對又問曰何以來朝對曰無城無兵安敢不來德光謂之曰爾是何等老子對曰無才無德癡頑老子德光喜以道爲太傅德光北歸從至常山漢高祖立乃歸漢以太師奉朝請周滅漢道又事周拜太師兼中書令道少矯行取名及爲大臣務持重鎮物事四姓十君益以舊德是處當世之士無賢愚皆仰道爲元老而喜爲之稱譽德光嘗問道曰天下百姓如何救得道爲佛語以對曰此時佛出救不得惟皇帝救得人皆以爲契丹不屠滅中國之人者賴道一言也周太祖入京師謂

漢大臣必行推戴及見道道殊無意受太祖拜如平時遂陽立湘陰公議者謂道能沮太祖之謀而緩之終不以晉漢之亡責道也然道視喪君亡國未嘗屑意方自號長樂老著書數百言陳已更事四姓及契丹所得階勳官爵以爲榮自謂孝於家忠於國爲子爲弟爲人臣爲司長爲夫爲父有子有孫時開一卷時飲一杯食味別聲被色老安於當代老而自樂何樂如之蓋其自述如此道前事九君未嘗諫諍世宗初卽位劉晏攻上黨世宗欲自將擊之道切諫以爲不可世宗曰吾見唐太宗平定天下敵無大小皆親征道曰陛下未可比唐太宗世宗曰劉晏烏合之衆若遇我師如山壓卵道曰陛下作得山定否世宗怒起去卒自將擊敗晏于高平其後攻淮南定三關威武之振自高平始其擊晏也鄙道不以從行以爲太祖山陵使葬畢而道卒年七十二諡曰文懿五代通鑑作諡文懿追封瀛王道既卒時人皆共稱歎以爲與孔子同壽其喜爲之稱譽蓋如此子吉字惟一晉天福初以父任祕書省校書郎遷膳部金部職方員外郎屯田戶部司勳郎中累階金紫周顯德中遷太常少卿宋初受詔撰述明憲皇太后諡議見稱於時建隆四年卒按武臣中馮道侯益爲尤甚道開唐晉契丹漢周益更中入蜀而終於宋以見當時廉恥道喪人心昏昧至舉一世而無復知有君臣大義者爲可哀也歐陽修舉管子四維之說以斥道之無恥傳中於其情罪挾摘無遺至尹起莘乃謂道迎降賣國服易人主仕進之濫未有如道者諡哉斯言誠有者表特以爲道之定論云

李琪字台秀河西燉煌人兄珽唐末舉進士及第爲監察御史丁內艱貧無以葬乞食而後葬服除還拜御史荆南成汭辟掌書記吳兵圍杜洪梁太祖遣汭與馬殷等救洪汭以大舟載兵數萬珽爲汭謀曰今一舟容甲士千人糗糧倍之緩急不可動若敵人縻之則武陵武安必爲後患不若以勁兵屯巴陵不與戰吳兵糧盡則圍解矣汭不聽果敗溺死趙匡凝辟掌書記太祖破匡凝得之卽位以爲考功員外郎知制誥珽度太祖不欲先用故吏

固辭不拜出知曹州以治聞遷兵部郎中崇政院直學士許州馮行襲病有牙兵二千皆故蔡卒太祖懼爲變遣
玳代爲留後玳至許止傳舍慰其將吏行襲病甚欲使人代受詔玳曰東首加朝服禮也乃卽臥內見行襲道太
祖語行襲感泣解印授玳行襲爲人嚴酷其從事魏峻嘗切諫行襲怒誣以賊下獄玳受事乃理峻寃立出之還
報太祖太祖喜曰玳果辦吾事會歲饑盜劫汴宋間曹州尤甚太祖復遣玳治之玳至索賊得大校張彥珂玳錫
李郊等及牙兵百餘人悉誅之召拜左諫議大夫友珪立除右散騎常侍侍講袁象先討賊玳爲亂兵所殺琪少
與進士博學宏辭累遷殿中侍御史與玳皆以文章名唐亡事梁太祖爲翰林學士梁兵征伐四方書詔皆琪所
爲輒得太祖意末帝時爲御史中丞尙書左丞拜同中書門下平章事與蕭頃同爲宰相頃性畏慎周密琪儻
負氣不拘小節二人多所異同而琪內結趙巖張漢傑等爲助以故頃言多沮頃嘗撻其過琪所私吏當得試
官琪改試爲守爲頃所發末帝大怒欲竄逐之賴巖等解救罷爲太子少保唐莊宗滅梁欲以爲相梁舊臣多嫉
之乃以爲太常卿遷吏部尙書同光三年秋天下大水京師饑莊宗詔百寮上封事琪上書數千言其說無足取
莊宗獨稱重之遂以爲國計使方欲以爲相而莊宗崩明宗入洛羣臣勸進有司具儀用柩前卽位故事霍彥威
孔循等請改國號絕土德明宗疑之下其事羣臣皆依違不決琪議曰殿下宗室之賢立功三世今興兵向闕以
赴難爲名而欲更易統號使先帝便爲路人則蹙然梓宮何所依往明宗以爲然乃發喪成服而後卽位以琪爲
御史中丞請罷五日起居而復朔望入閣然不能復唐舊儀也安重誨擅殺殿直馬延琪不敢彈糾又懼諫官論
列乃託宰相任圜先白重誨而後糾猶依違不敢正言其事豆盧革等罷相任圜議欲以琪爲相孔循鄭元沮之
乃止遷尙書右僕射琪爲人少持重不知進退故毀爲當時所沮以太子少傅致仕卒